



Udruženje matematičara Kantona Sarajevo
Zmaja od Bosne 33-35, 71000 Sarajevo, Bosna i Hercegovina
E-mail: umks2016@gmail.com **Tel.:** ++ 387 33 279 874
Fax: ++ 387 33 649 342 **ID broj:** 4202191060004
Transakcijski račun: 1610000156600012

Obavještenje o održavanju takmičenja

„Talent search 2019“

Udruženje matematičara Kantona Sarajevo (UM KS) u saradnji sa Odsjekom za matematiku Prirodno-matematičkog fakulteta Univerziteta u Sarajevu organizuje takmičenje „Talent search 2019“. Cilj ovog takmičenja je otkriti i stimulisati učenike koji su nadareni za matematiku i rješavanje logičko-kombinatornih problema, kako bi nastavili razvijati svoje analitičke vještine koje su danas vrlo tražene na tržištu rada. Naši predavači iz Škole matematike za nadarene učenike imaju višegodišnje iskustvo rada sa nadarenim učenicima i doprinijeli su razvoju mnogih olimpijaca, te sasvim sigurno sa lakoćom mogu prepoznati talenat kod nadarenih učenika.

1. Takmičenje će se održati u subotu, 7.9.2019. godine na Prirodno-matematičkom fakultetu u Sarajevu, u amfiteatru „Branko Galeb“, s početkom u 10 h. Vrijeme za izradu zadataka je 90 minuta.
2. Takmičenje je predviđeno za učenike koji do sada nisu pohađali Školu matematike za nadarene učenike i matematičke kampove u organizaciji UM KS, prvenstveno učenike 7. razreda, ali i učenike 6. razreda koji pokazuju posebnu sklonost prema matematici. Takmičenju mogu pristupiti i učenici 8. razreda, kao i učenici koji su pohađali Školu matematike za nadarene učenike ili matematičke kampove, ali ne ulaze u konkurenciju za osvajanje nagrada (prvoplasiranih pet učenika dobija besplatna dva mjeseca pohađanja Škole matematike za rad sa nadarenim učenicima).
3. Zadaci na takmičenju neće zahtijevati matematičko predznanje sedmog i viših razreda osnovne škole, ali će iziskivati kreativnost i logičko razmišljanje učenika.
4. Prijave za takmičenje su otvorene do 6.9.2019. godine do 16 h. Prijave se vrše na linku na web stranici UM KS (<http://umks.pmf.unsa.ba/>).
5. Za vrijeme rada komisije za pregledanje zadataka (11:30-13:30), za učenike i roditelje će biti organizovano predavanje o važnosti razvijanja analitičkih vještina kod učenika, te mogućnostima primjene tih vještina.

Udruženje matematičara Kantona Sarajevo